



啞嚙啞

有一擺正開學無幾多日，係在辦公室聽著有小朋友啞，就行出去睇。睇去睇轉，全無睇著麼个，係正想愛行轉辦公室該下，又聽著啞个聲，就跔等聲尋人，堵好有學生走來嚙係講：「便所裡背有人啞當大聲！」係就煞煞走過去，喊該個小朋友毋好啞咧！續等問佢：「有麼个事情係無？」佢在便所門背啞等喊：「佢个門打毋開！佢个門打毋開！」係就去提鎖匙，嚙門打開來後，睇等目汁濫汨个一年生小朋友行等出來。係想好得佢有啞恁大聲，大家正做得恁遽來搵手嚙佢个門打開來。

還有一擺係較夜睡，聽著下屋有人啞个聲，係就從窗門睇啊出，睇著盡多人企在屋面前，心想係毋係有人過身啊？等係行過去睇，正知病當久个老鄰舍在暗晡夜轉去咧！

見擺聽著有人啞，係个心肝肚總係會愁會想：「仰會有人啞？有麼个事情發生係無？會傷重無？」啞聲對係來講，早就變成一隻信號，提醒係可能有事情發生咧，愛注意一下喔！在學校肚聽著有細人啞个時節，係會睇有學生跌著無？有人冤家無？有發生麼个事情無？在屋下聽著有有人啞个時節，係會想有人个身體毋鬆爽無？有人个心情毋好無？有麼个毋好个消息係無？總講，聽著有人啞，係常勻會先想著艱苦个經驗，胚想著毋好个結果，總係想煞煞安慰人，「毋好啞咧！毋好啞咧！」因為，係毋想聽著人啞个聲。

毋過，人會啞，敢係定著堵著毋好个事情？未必喔！有兜選手比贏重要个比賽、得著金牌，就啞咧！有兜爺哀睇著子女个好表現、有兜久無見面个親人相見、有兜浪子回頭，也會啞。其實，人忒歡喜咧、忒感動咧，就會啞！有兜當激烈个運動比賽煞，輸个選手艱苦到啞、贏个選手也歡喜到啞，雙方就用啞來表現出該時个心情。

大人會用啞表現出自家个感情，細子會用啞表現出自家个要求。嬰兒肚屎枵、拉屎拉尿就啞，大人聽著就知愛泡牛乳分佢食、嚙佢換尿裙。嬰兒食飽、鬆爽咧，就毋會啞。鳥子乜共樣，想食就啞，鳥嫲聽著就煞煞去尋食，鳥子食啊飽就恬恬毋會啞咧！

毋過，蟬仔啞、蚬仔啞還有新生命起勢个意思。「啞」對蟬仔、蚬仔來講，係尋對象來傳宗接代个方式，熱天時个下晝，蟬仔在樹頂放勢啞，到暗晡頭，輪著蚬仔在田肚盡命牯啞，這兜哇哇滾个大聲胲嚙熱天啞到鬧熱煎煎，也分人暫時毋記得自家啞个心情。

作者：林伯殷

☆詞彙學習☆

【啞】vo`：哭、哭泣或指蟲鳥鳴叫。「啞嚙啞」指的是「哭和叫」。

【目汁濫汨】mug` zhib` lam gam`：淚流滿面的樣子。

【轉去咧】zhan` kiu` le`：回去了，在此引申為「過世了」。

【傷重】shong` diong`：很嚴重。

【冤家】vien` ga`：爭執吵架。

【常勻】shong vin：時常。

【胚想】poi` siong`：推想。

【尿裙】ngiau` kiun：尿布。

【盡命牯】cin` miang` gu`：竭盡心力。

【哇哇滾】va va gun`：不斷的大叫或大哭。

【大聲胲】tai` shang` goi`：大嗓門。